

位西先生遺稿  
張文節公遺集  
有聲畫



卷之四

上

卷之四

四

卷之四

卷之四

卷之四



張  
文  
節  
公  
遺  
集

張  
洵  
著

中  
華  
書  
局

叢書集成初編

位西先生遺稿（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

張文節公遺集

此據滂喜齋叢書  
本排印初編各叢  
書僅有此本

張文節公遺集二卷。錢塘張君洵之所撰也。君與家君爲庚子同年友。臬壬子又與蔭同成進士入翰林。蔭旣蒙恩入直南齋。君亦被命直上書房。同寓澄懷園中。蓋無日不相見。己未庚申間。蔭先居近光樓。後居蓮葉西齋。君居綠兼房。水木明瑟。賜廬相望。每退直。君輒就蔭談論。或考覈經史。攜具置酒。流連日夕。君飲僅勝杯勺。而溫克有度。又善吟詠。分題授簡。頃刻而成。時海內多故。蔭年少氣盛。方銳意言事。君老謀深識。天性忠愛。憂憤所感。每至泣下。乃未幾而粵賊窺浙。警報踵至。君太夫人在堂。醫指碎心。陳情乞假。先帝聽許。慰諭殷拳。君重繭星奔。未至而杭州陷。君配施先命其子惇典等奉太夫人走避。而自偕次子敘典。女喜姑。投水以死。比君抵里。賊已走。君遂奉母居仁和之永泰鎮。明年辛酉九月。賊復竄浙。君已丁太夫人憂。自以身備近臣。受恩至重。思有所爲以報上知。乃率其家入城。與諸大吏共城守。時賊已合圍。江路斷絕。君告諸帥。亟合駐防兵。衝圍奪江。以通東西浙之路。俾得爲聲援。而賊有兼顧憂。餉可濟。策不行而圍益急。糧絕。君誓死報國。與城同碎。十一月。城陷。君衣冠北向敏頭。賦絕命詞三章。偕其繼配勞及子惇典。從典。念典。俱投井死。嗚呼。君以詞臣里居。無城社之責。宜可以無死。而桑梓敬恭。忼慨蹈義。以斬焉縗絰之身。從事雋原。閭門同殉。蓋忠孝奮迅。迫於自效。有不得不出於一死。以增儒臣之重。而酬顧問之知者。然則騎箕尾以攀龍髯。雲車風馬。消搖天上。君亦可以無恨。而嗣續泯然。骸骨無別。羽林之孤。莫錄爪髮之歸何期。此則朝野之所同悼。而如蔭之交在紀羣。肺腑相託者。又烏能不盡然傷也。君勅之後。故閣學許仁山師疏聞。得旨優卹。君門人孫子授侍講。復援故事請諡及祠。於得報可。易名文節。詔命。

類仍思筆兼備。侍講復搜集其詩二百餘首。蔭爲之審定。且屬李悉伯農部。選擇其十之六七。校付之梓。君名節昭代。固不假此以傳。而念昔年直廬唱和。淋漓篇什。今已盡爲劫灰。靡娑此編。爲之腹痛。亦欲傳示後人。以見風雨如晦。雞鳴不已。知人論世。可得其仿佛也。同治十一年三月。吳潘祖蔭。

# 張文節公遺集卷一

清 錢塘張 洵著

## 重九日鳳凰山登高

嵐氣鬱崔巍。峰頭策杖來。秋風吹客帽。落日下荒臺。濁酒難成醉。黃花到處開。蒼茫無限感。欲去重徘徊。

## 題友人秋風出塞圖

雕盤大野草連天。黯黯黃沙接暮煙。秋色玉關來萬里。西風鐵騎動三邊。城頭筆架催歸夢。酒畔琵琶慘別筵。爲問從軍班令史。可能濡筆勒燕然。

## 西溪道中

亂峯堆裏水潺潺。多少幽棲占此間。落葉有聲敲破寺。斷雲無力住空山。生涯最是漁家樂。塵市何如野老閒。更喜今年杭稻足。柴門日夕不須關。

## 宿西溪蔣氏留溪山莊二首

繞屋新栽萬樹梅。紙窗竹閣儘徘徊。山中一雨溪流急。夜半泉聲入夢來。

莊有七十  
二賢峯樓

## 自靈隱至輅光庵

一徑夾寒簷。緣山接遶池。側耳鳴幽泉。尋之在竹裏。振衣陟山頂。虛亭豁遠視。遙攬江海光。萬象合雲水。

近俯明聖湖。煙樹小於薺。吳山影空濛。城郭略可指。纖鬟鬱雙峰。遠勢接千里。對此塵慮捐。憑眺不能已。薄暮返蘭若。天風磬聲起。

冷泉亭夜坐

靜裏泉聲落翠微。滿山松月影依稀。老僧相對淡無語。一片冷雲飛上衣。

早梅

三百梅花手自栽。一枝得氣最先開。峭風吹樹鶴初醒。深雪滿山人未來。幾處園林猶冷落。誰家亭院獨徘徊。生平標格高寒甚。肯待唐宮羯鼓催。

春秋宮詞四首

驪宮夜半月盈階。紅袖無聲卸玉釵。欲語背燈還不語。淚珠零落滿君懷。輕舫盪破碧鱗鱗。歡喜無端變怒嗔。萬柄蓮花舟一箇。風流輸與苧蘿人。繡幃寂寞兩占熊。愁抱琵琶住楚宮。一點芳心向誰說。桃花無語自東風。醉中一別幾斜暉。月冷風淒獨掩幃。聞說郎君今得意。秦宮新逆美人歸。

書漢高祖本紀後

一劍定三秦。風雲帝業新。白蛇容易斬。雌雉竟難馴。產祿潛基禍。韓彭早殺身。楚歌復楚舞。老去淚沾巾。

孤山放鶴歌

千樹萬樹梅花開。空山老鶴踰籬來。一聲清唳瞥不見。落花點點飛蒼苔。西湖處士有癖好。獨邀羽客相追陪。養成健翮試高舉。令威豈是樊籠材。縞衣翻風吹瑟瑟。孤影昂藏作人立。初看矯步出花徐。繼奮修翎攫雲疾。烟霄作勢幾回旋。杳杳青冥望何極。我聞海上蓬萊宮。隔越塵世不可通。何當跨鶴徑飛去。飄然萬里乘長風。大呼洪崖生。追逐浮邱公。手攜綠玉杖。身扶菱髻童。游徧瀛洲與方丈。再排閭闔凌蒼穹。直待九天一一都歷盡。然後翻身戢翼嘯傲深山中。從來仙姿異凡族。肯伍雞羣娛俗目。支公鑕羽徒自憐。衛國乘軒詎堪畜。獨有幽人物外天。元裳縞袂同翩翩。湖山一角月初上。歸來獨抱寒香眠。

閨怨四首和陸樵雲

點點玉漏催。翦翦輕風歇。深院寂無人。門掩梨花月。手攜輕羅扇。悄立花深處。小婢不知愁。笑撲流螢去。獨坐怯宵涼。懶把鴛鴦弄。五更雨打蕉。驚破離人夢。無語倚薰籠。夜長眠不得。簾外北風吹。燈花作寒色。

夏日即景

梅黃忽斷雨如絲。正是炎風乍熱時。庭下疎簾人寂寂。樹欹高枕夢遲遲。地爐茶熟紅鸚喚。水國蓮開白鷺知。何處晚來堪小立。暮蟬聲在最高枝。

秋扇

忽驚涼意逗簾櫳。一夕秋心滿漢宮。不是無情便拋棄。留藏篋裏待春風。

大觀臺

高臺俯瞰大江秋。人立危峰最上頭。白浪未消皆種恨。青山曾作帝王州。萬家煙火嚴城地。千里風帆估客舟。東望海門何處所。斷雲斜日兩悠悠。

書感二首

滄溟東望沒蓬萊。坐遣鯨鯢跋浪開。四海正逢全盛日。六韜誰是出羣材。談兵趙括生猶死。掠地孫恩去未來。定有長城堪保障。幾人冠劍上雲臺。  
萬里靖烽煙。韓范勳名震九邊。一自金牌來北闕。頓教銅柱折南天。奇兵盡撤重洋戍。和議翻搜九府錢。此日五羊城郭外。颶風鱷浪總腥羶。

朱芸甫家塘棲豐田村。去市三里柴門臨水。桑麻滿前。其南則超山也。今秋芸甫還家。邀余同往。作詩四首。

煙蒲杳杳水游游。此去林巒約共攀。忽聽舟人遙指點。黛痕一抹是超山。  
幾家茅屋接縱橫。半掩柴扉夕照晴。流水小橋人不見。稻花香裏讀書聲。  
花滿閒階書滿庭。小齋恰對遠山青。老農日暮攜鋤至。說與幽風一卷聽。  
桑田轉過板橋西。綠樹陰陰人望迷。閒說春歸時最好。枇杷萬顆壓枝低。

登超山

山勢入蒼茫。鐘聲冷夕陽。路盤青嶂曲。人坐白雲涼。松色寒林暝。梅花古寺香。危樓一憑眺。江水認錢塘。

古墓行

山頭華表穿雲出。山腰危磴盤雲入。松楸夾路不見天。翁仲無言傍林立。狐狸踰躅荒鷄啼。木客低吟山鬼飢。卻憶當年送葬日。素車百輛馱羣姬。寒食而今誰祭祀。執紼兒孫那可恃。野風暮地捲樹飛。吹過鄰家一陌紙。

新年

海波今已息長鯨。依舊鄉閭慶太平。難得天公遂人意。月華燈影一齊明。

踏青曲

去年踏青郎同行。今年踏青郎遠征。望斷青青人不見。惟見青山天際橫。

西溪晚歸

落日青山外。行行村路長。漁歌起遠浦。樵擔趁歸航。徑黑犬聲惡。水清蛙語忙。誰家門未掩。燈火出林塘。

夏日雜詩四首

蘭珊花事剩餘春。亭院陰添衆綠新。禿筆一枝書萬卷。箇中留得苦吟身。驕陽當午竟如焚。萬里青天無片雲。水榭風廊猶苦熱。有人隴上正耕耘。

碧天雨過挂長虹。樓上斜陽照晚紅。隨意蕉衫披一領。倚闌消受綠槐風。  
晚來移榻坐空庭。細數銀河幾點星。忙殺深閨小兒女。爭來花下捉流螢。

讀漢書六首

三代得天下。積德與天比。漢高酒色徒。一劍乃崛起。秦法苛不堪。楚氛惡如此。天意難求全。姑屬此公耳。

盛王不復作。遷流曷能止。掩卷三太息。世變從此始。富貴更何求。所求爲神仙。神仙不可得。巫蠱埋宮前。貪生乃畏死。一念相牽纏。紛紛治詛說。將以希延年。

蓬萊渺何處。白骨撐青天。霍光廢昌邑。終竟赤其族。匪關攝芒刺。實自取顛覆。伊尹訓太甲。桐宮位旋復。未聞爲人臣。肆然將君逐。天地苟無愧。撫心何數觥。驚魂尙病悸。陰謀復肆毒。尙醫癢不治。陰妻陷大戮。司馬免小冠。一家都入獄。想見二百人。呼冤地下哭。

我讀循吏傳。平平無他奇。治績不可尋。澹若春風吹。桑者自閑閑。耕者自熙熙。官來各相安。官去常相思。致此道何由。其惟德化之。

能吏與酷吏。相去僅一間。智勇稍自矜。苛嚴遂習慣。漢初民氣樸。吏治匪難辦。蒼鷹忽奮擊。按劍四顧盼。風尙一以開。慘刻積成患。豪強雖讐服。元氣半鋤鏟。寄語幹濟臣。前車可爲鑑。

古來奸雄姿。必具英桀氣。咄彼安漢公。稱雄實有媿。瑣屑拘陰陽。謾說符瑞瑞。幸藉父兄資。遂竊天廟器。

當時若有人殺之如鼠豕。惜哉孔光輩。庸庸但保位。

答勞庸甫

朔風捲地逼歲寒。餓鳥瑟縮嘯林端。短衣孤劍出門去。側身北望雲漫漫。翠書檢點復何有。范叔綈袍窘露肘。囊中剩有詩百篇。廚下曾無米一斗。故人贈我金錯刀。脫手頓令酸儒豪。北堂熙熙飲甘旨。感激此誼青雲高。君家黃鶴峰前住。卻送征帆從此去。客程渺渺水連天。夢魂只在塘棲樹。

正月十三日赴都紀別三首

春風故鄉好。游子忽治裝。家食豈不願。無以娛高堂。七年困寒氈。菽水愁空囊。微名倘寸進。祿養或可償。寂寂守株待。曷慰親心望。毛義笑捧檄。此意殊難忘。

我生廿八年。未嘗離母側。日暮偶未歸。母心已惻惻。今茲忽遠遊。旋歸匪旦夕。母心豈不傷。老淚暗中拭。忍兒阻壯懷。語兒無我憶。慮兒多內顧。代兒豫籌策。兒身善自保。兒心無過感。兒跪聽母言。母心兒已悉。母淚忍不流。兒淚已沾臆。

寒門苦衰薄。榮瑩鮮燠簾。嚴親既見背。隻手門庭持。一朝攬衣去。百事更倚誰。病妻勉出房。送我披庭幃。慰藉語唧唧。有淚不敢垂。滄澣力自任。婦道曷敢虧。君心未能盡。君意或無違。感此話纏綿。欲行且遲回。僕夫前致詞。親朋送將歸。會當慷慨去。不覺心暗悲。出門見明月。團團揚清輝。

薄暮登舟出北關泊

片帆開處卽天涯。關樹青蒼入暮鴉。送客最憐初作客。離家未遠已思家。一湖煙水征人棹。二月春風故里花。忽忽津頭船又泊。白雲回望夕陽斜。

元夕渡鶯脰湖

水氣滿湖白。蒼茫雲影開。長風吹客去。圓月上天來。道路逢佳節。篷窗醉客杯。黃昏泊舟處。鐙火認樓臺。

山塘

山塘七里漲春痕。香徑蘼蕪帶客魂。何處琵琶聲忽起。桃花門巷月黃昏。

阻風秦郵

一雨破清夢。曉起北風勁。舟行阻回瀾。篙師與之競。昨從江上來。波光淡明鏡。行行入秦郵。陡轉風力硬。篷背雲氣昏。蛇樓觸聲定。繫纜傍沙灘。臥俟來朝信。此時欲更前。尺退乃寸進。但見南來舟。風飽一帆正。

舟次淮上

浩蕩淮流黯夕曛。酒家漁市聚前津。蛟龍逼處民難避。鹽筴豐饒地不貧。烟景已銷南國夢。風沙漸近北。方春帶刀入市休相笑。多少英雄跨下人。

渡黃河

昨日黃河上。今日渡黃河。河水何湯湯。擊楫聞悲歌。黃塵澹白日。朔風捲洪波。客子衝寒來。撲面驚沙多。民廬聚釜底。屋脊鳬鷺過。隄防苟不慎。瓠子喚奈何。嗟彼隄上氓。補屋猶牽蘿。去去不敢息。白浪鳴蛟鼉。

車行雜詩四首

南人慣使船，北人慣使馬。老髯昂藏來，一鞭手自把。馬意善隨人，羣集車轅下。鞭絲忽一颺，征塵起四野。馳驅上金臺，孰是空羣者。

大車行獨漉，小車行郎當。車中載行篋，車上鋪行裝。兩驂舞於前，兩僕坐於旁。篋囊何晏晏，羅列挂兩行。我身臥其中，蜷伏如蠶僵。有時擁被坐，目向前途望。地勢忽高下，天容爲低昂。生世歎勞薪，浩歌懷故鄉。我性狎波濤，出門畏行陸。謁來齊魯閒，千里走僕僕。曉起先雞鳴，暮止先鳥宿。夢魂時搖搖，常若轉輪轂。顛風打破窗，昏燈黯茅屋。恰憶山居時，飽飯夜坦腹。

窈窕誰家子，紛紛倚門笑。征夫未卸鞍，琵琶已成調。桑麻今徧野，饅餅無人到。都學邯鄲倡，歌舞矜纖妙。鄒魯秉禮義，今乃異風教。

荏平題壁

桐城驛過又斜陽，茅店喧喧客解裝。一夜箏琶忙不了，更誰閒弔馬賓王。

夜發宿莊驛

西風峭逼敵裘寒，耿耿星河夜未闌。聞說來朝程較遠，強扶殘夢上征鞍。

宿趙北口

十二橋邊畫不如，綠楊村店晚停車。無端振觸西湖夢，門外聲聲喚賣魚。

由清江而北行千六百里，逆旅主人鮮有以魚供客者。予趙北

口乃  
得魚

出都

又駕征車出帝鄉。黃塵漠漠馬蹏忙。山村老叟閒無事。倚杖柴門看夕陽。

秋風

金井蕭蕭桐影斜。忽催涼意到窗紗。寒衣遠道憐征戍。團扇深宮感歲華。有力掃殘三伏暑。無情吹老一年花。江南此日尊鱸好。憑藉輕帆送到家。

寄懷陳雲嗣表兄

秋風秋雨倚闌干。自別杭州夢到難。多謝珍珠數行字。天涯時與報平安。家信皆君代寄

侯城晚眺

散步出城郭。臨河思渺然。朔風荒野勁。明月異鄉圓。鴻雁遲歸信。雲山隔故關。滔滔望流水。飛艦正南還。時漕艘南下。帆檣如織。

南旋

離家今二載。客夢屢南飛。忽忽思鄉切。蕭蕭信馬歸。青衫仍故我。白首老慈幃。歷碌燕南道。征塵起夕暉。

河閒道中

斑斑車向河閒去。驛路鈴聲又夕陽。酒市數錢工姹女。墓門殘碣弔賢王。詩情尙挾燕歌壯。水道難尋禹